

## FA YU KAN KISI PAPIRA / PRIMISI FU TAN LIBI ?

Fu man tan tapu a frans kontren ini a wèt, yu musu abi wan visum noso wan primisi fu tan libi.

A shatu ten visum noso tourist visum e meki yu tan tapu a kontren gi wan maximaal ten fu 3 mun, sondro abi a leti fu wroko.

Fu a ala tanlibi fu moro dan 3 mun, yu musu meki wan begi fu tanlibi primisi / papira na a prefectuur.

Den abi **difrenti sortu primisi fu tan libi** san e aksi precies condities san **prefectuur autoriteit** sa luku.

Wan tu condities na den semi gi ala den begi:

- **Yu no musu de wan kefal gi a openbaar orde**
- **Yu no musu libi ini polygamie**
- **Yu musu taki frans**

### San na den difrenti sortu primisi fu tan libi ?

Den primisi fu tan libi san frans leti abi de difrenti nanga gi difrenti tori :

- **Inibere nanga famiri libi :**
  - o Masra / frow fu frans sma (luku a wèt papira)
  - o Bigisma fu wan frans pikin (luku a wèt papira)
  - o Sama san abi persoonelijk banti nanga famiri ini Franskondre

A primisi gi “inibere nanga famiri libi” e aksi te a begiman sori a abi famiri banti nanga persoonelijke banti san tranga ini Franskondre.

Ini so tori, a kisi fu a primisi fu tan libi kan de automatisch, leki gi bigisma fu wan frans pikin.

Wan dorosei kondreman san no e go ini den gweni grupu fu a karta inibere nanga famiri libi ( masra / frow fu wan frans sma noso bigisma fu wan frans pikin...), ma san abi tranga banti ini Franskondre, kan kisi wan primisi fu tan libi.

A musu sori :

- **Taki den persoonelijke nanga famiri banti san de ini Franskondre de trutru, langa, tranga nanga stabiel** (sensi o langa a de ini a kondre nanga sensi o langa ai tan nanga en masra / frow ini Franskondre, den pikin san geboro fu a libi nanga makandra...),
- fu **pe ai kisi moni** ini Franskondre

- en integratie ini a frans koleisi (vooral efu a man taki frans a winsi na pikinso)
- a sortu banti a abi nanga den famiri san tan ini en eigi kondre

A primisi disi e **gi a sma san abi en a leti fu wroko**

A disi e teri gi **wan yari**.

- **Wrokoman :**

Fu kisi a status fu wrokoman noso fu sranga wrokoman, yu musu **abi a primisi fu wroko ini Franskondre**.

A **begi fu primisi fu wroko musu kon fu a toekomstige basi**.

Ini wan piki fu akoord, yu e kisi wan **visum fu tang langa semi leki wan primisi fu tan libi**, san e meki a begiman kon ini a frans kontren ini a wèt.

A primisi disi e teri gi **wan yari** nanga yu kan hari en kon langa.

Yu kan hori en te leki yu abi wan wroko noso te leki yu e kisi compensatie fu Pôle Emploi.

- **Fisiti man:**

A karta fu tan libi disi na gi dorosei kondreman san e tan ini Franskondre leki **inactief**.

A sma san abi en no abi leti fu wroko.

A aksi sma **musu teki wan betrekking taki a no sa wroko ini Franskondre nanga a musu abi nofo moni fu tan ini Franskondre**. Nanga Prefectuur, sa luku den condities fu a oso fu a aksi sma.

A karta bun gi wan yari nanga yu kan hari en kon langa.

- **Siki sma** (luku a wèt papira)
- **Vluchteling** (luku a wèt a papira)
- **Yongu dorosei sma san kon pikin ini Franskondre** (luku a wèt papira)
- **Spesrutu kisi fu primisi fu tan libi gi inibere nanga famiri libi**

Yu kan aksi fu kisi wan spesrutu primisi fu tan libi ondro a karta inibere nanga famiri libi gi humanitaire sani noso spesrutu tori.

A prefectuur abi wan makti fu taki efu a teri, san e meki en gi den tan libi karta srefi efu den aksi condities fu leti no de.

So, yu kan meki wan begi efu a sma no de ini a wèt sensi **moro dan 10 yari ini Franskondre** noso efu a de ini Franskondre **sensi minstens 5 yari nanga wan pikin san de na skoro sensi minstens 3 yari.**

Nanga ala sma san kan sori spesrutu tori san e sori taki a musu tan ini a frans kontren fu no man broko en fundamenteel leti gi inibere nanga famiri libi, kan meki wan begi.

- **Spesrutu kisi fu primisi tan libi fu wroko**

A dorosei kondreman san abi wan wroko kontrakt noso wan pramisi fu kisi wroko, nanga wan langa libi ini Franskondre, kan meki wan begi fu spesrutu kisi fu tan libi.

A dorosei kondreman musu tan ini Franskondre fu minstens 5 yari, nanga abi wroko 8 mun ini den pasa 2 yari noso 30 mun ini den pasa 5 yari.

- **Trawan**: skorosma, wenkriman, scientifik, ondrosuku man, stagiair, , etc...

## SAN YU MUSU DU

Gi wan fosi begi fu primisi fu tan libi, yu musu go tapu a website noso na Prefectuur fu aksi a **a begipapira fu primisi fu tan libi.**

A begi papira disi musu furu, yu musu poti den papira sa den aksi nanga yu musu seni en na prefectuur :

Gie den libisma san e tan fara fu Saint-Laurent-du-Maroni

Gie den sma san e tan ini a birti fu Saint-Laurent-du-Maroni :  
Awala-Yalimapo, Mana, Saint-Laurent-du-Maroni, Grand-Santi, Papaïchton, Maripa-Soula nanga Saül.

**PRÉFECTURE DE GUYANE**  
**Bureau de l'Immigration et de l'Intégration**  
**(prefectuur fu Franssei – Kantoro fu**  
**immigratie nanga integratie )**  
**rue Fiedmond - BP 7008**  
**97307 Cayenne Cedex.**

**SOUS-PRÉFECTURE DE SAINT-**  
**LAURENT-DU-MARONI**  
**Bureau de l'Immigration et des titres**  
**(Ondro Prefectuur fu Saint-Laurent fu**  
**Maroni – kantoro fu immigratie nanga**  
**waka papira)**  
**4 Bld Charles de Gaulle - BP 244**  
**97393 Saint-Laurent-du-Maroni Cedex**

N° SIRET : 18973003900014 - Code APE : 752E Justitie

Wèt status : grupu fu openbaar belang

WROKOPE NEN : ACCES AU DROIT DES POPULATIONS DE GUYANE (TOEGANG TE LETI FU DEN PIPEL FU FRANSSEI

## FANOWDU PAPIRA

- A paspoort noso wan tra waka papira
- Wan adres papira san no pasa 3 mun
- 3 identiteit foto (standard)
- Wan lanti moni stempel fu 50 €

Gi ala surtu begi fu tan libi primisi a Prefectuur sa aksi **fiti papira** fu sori a tori fu a begisma.

Den fiti papira ini wan tra tongo musu go nanga a **vertaling fu wan beëdigde tolk fu a krutu oso**.

Ala den fiti papira san den kan aksi de tapu a website fu a prefectuur. (luku *nuttig link*).

Baka a seni a heri begi papira, a begiman sa kisi wan **afspraak na Prefectuur** pe den sa luku a tori fu en, vooral **a sa musu sori den origineel nanga den kopie fu den fiti papira fu a begi papira**.

Efu a begipapira de heri, den sa gi wan **récépissé (bon)** te leki den stuka a begi. A papira disi e meki a dorosei kondreman **piki fu taki a de ini a wèt ini** a frans kontren te leki den e stuka a begi fu en. A de fanowdu fu abi en ala presi pe yu go fu man sori en gi skowtu efu den luku fu identiteit.

### **Nuttig link :**

Website fu a prefectuur, sectie dorosei kondreman :

<http://www.guyane.pref.gouv.fr/Demarches-administratives/Etrangers-en-France/Titres-de-sejour/1ere-demande-de-titre-de-sejour2>

## San yu musu du fu hari kon langa a primisi fu tan libi ?

Yu abi fu **anticipeer a hari kon langa fu yu primisi fu tan libi** fosi a dei a kaba.

A prefectuur kan gi yu wan kari gi afspraak fu a hari kon langa fu yu karta te den gi yu a fosi primisi fu tan libi.

Efu yu no abi a kari, yu musu meki wan afspraak tapu a website fu a prefectuur : <http://www.guyane.pref.gouv.fr/Contactez-nous/Information-sur-les-cartes-de-sejour-Etrangers>

Te yu go na a afspraak, a sma san abi a karta fu tanlibi **sa musu tyari den fiti papira fu sori en tori tan a semi**, san sa meki en kisi a primisi fu tan libi baka.

## San ju musu du efu den weigri a primisi fu tan libi ?

A prefectuur abi wan makti fu taki efu a teri, san e meki en man weigri den begi fu primisi fu tan libi efu a feni taki den no e go ondro den condities fu a wèt.

Efu na wan weigri gi a primisi fu tan libi, a Prefectuur musu gi wan **skriffi nanga gemotiveerde piki**, ini pe a sa taki saide a weigri.

A besroiti disi e kon bijna ala ten nanga wan **plekti fu libi a frans kontren direct noso ini wan ten**. A weigri disi e tyari wan plekti fu go baka na yu lanti ini wan winsi noso wan tranga fasi.

Ma, ini a tori fu wan weigri, a begiman **kan feti a besroiti fu a prefectuur fesi a administratif krutu oso**, ini wan ten san kan de difrenti efu a besroiti fu gwe abi wan ten fu gwe winsi fasi, fu wan sroto noso dagvaarding.

Wan afkati no de ferplekti ma a begiman kan aksi a yepi fu wan afkati. A kan **aksi a wettelijk yepi** efu a no abi furu moni. Ala noso wan pisi fu den justitie paiman lanti kan pai den.  
(yu kan download a begi papira tapu a link disi : <https://www.service-public.fr/particuliers/vosdroits/R1444>)

A begiman kan meki wan administratif beroep fesi a prefekt nosso/nanga wan hierarchie beroep fesi a minister fu binnenlandse zaken.

Ini a tori fu contestatie, a begiman musu man sori den fowtu san a prefectuur meki tapu en tori san meki en teki wan besroiti fu weigri a primisi fu tan libi san no de ini a wèt.

Ini Franssei, **den beroep disi no e stop a tyari go na fesi fu a plekti fu libi a kontren**. Skowtu kan hori a begiman nanga seni en go na en eigi kondre te leki a tori e go doro fesi a krutu oso nanga a administratie.

## NYUNSU

### **A PRIMISI KARTA FU MORO YARI – hervorming fu a leti fu dorosei kondreman fu 7 maart 2016**

*Baka a fosi yari fu wèt tan libi ini Franskondre, yu kan kisi wan primisi karta fu moro yari, nanga wan maximaal ten fu 4 yari so langa a sori en republicaanse integratie.*

Nanga a « algemeen » primisi karta fu moro yari san e kisi baka wan yari fu wèt libi, tra karta fu moro yari de tu gi so sma san abi a marki « talent paspoort », « seizoen wrokoman » « detachéerd wrokoman ICT ».

A wèt de ini aplicatie nanga a go tyari furu kenki.

Gi moro informatie yu kan teki afspraak na wan fu den kantoro fu unu.